



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

ISINDEBELE ILIMI LEKHAYA (HL)

IPHEPHA LOKUTHOMA (P1)

2019

UMHLAHLANDLELA WOKUTSHWAYA

IMITLOMELO: 70

Umhlahlandlela wokutshwaya lo unamakhasi ali-9.

ISIGABA A: UKUFUNDA NOKUZWISISA

UMBUZO 1

Ukutshwaya ukufunda nokuzwisisa

- Njengombana itjhejo liqaliswe ekuzwisiseni, ukupeleda okungasikho neemphoso zelimi akukameli kujeziswe ngaphandle kobana iimphoso lezo zitjhugulula okutjhiwoko/ukuzwisisa umqondo. (Iimphoswezo kumele zitjengiswe/zivezwe).
- Nangabe abafundi basebenzise amagama abuya keline ilimi ngaphandle kwalelo elihlolwako, ungawatjheji amagama lawo, nangabe ipendulo ipha umqondo, ungajezisi. Nanyana kunjalo, nangabe igama elivela keline ilimi lisetjenziswe etheksthini begodu lifuneka endulweni, lokhu kuzokwamukelwa.
- Iimpendulo ezifuna imibono yabafundi, imitlomelo ayinganikelwa ipendulo yaka-IYE/AWA nanyana NGIYAVUMA/ANGIVUMI. Kumele kutjhejwe/kutlonyeliswe ukusekelwa kwependulo kwaphela.
- Akunamitlomelo ekumele yabelwe ULIQINISO/AKUSILO IQINISO nanyana IQINISO/UMBONO.
- Nangabe iimpendulo zifuna igama linye kodwana umfundi yena unikele umutjho woke, tshwaya igama ekungilo ipendulo nangabe lithalelwe/litjengisiwe.
- Nangabe kufuneka amaphuzu amabili/amathathu kodwana kutlolwe amanengi, tshwaya **kwaphela** wokuthoma amabili/amathathu.
- Vumela ukwahluka kwamalimi wesiphande (isiNzunza nesiNala).
- Emibuzweni la kukhethwa ipendulo enembako, yamukela kokubili, iledere elikhambisana nependulo ekungiyiyo NANYANA ipendulo nayitlolwe ngokuzeleko.

- 1.1 1.1.1 Isizathu esenza bona ILanga lePhasi leBhoduluko lithathwa njengeliqakatheke khulu ehlanganweni yeenTjhaba eziBumbeneko kungombana likukhuthaza iphasi mazombe bona lazi ngokuvikeleka nangokungenziwa ngebhoduluko. (2)
- 1.1.2 Ilutjha lanamhlanje likhuthazwa bona lizitjhideze khulu ekulwisaneni nokusilaphazeka kwebhoduluko. (1)
- 1.1.3 Ummongo welangeli kusuke kukukhuthaza abantu boke bona baphumele ngaphandle bazibandakanye nebhoduluko, bathabele ubuhle nokuqakatheka kwephasi bebathathele ehloko ukuvikelwa kweplanethi le/Ummongo welangeli kusuke kukukhuthaza boke abantu bona bazibandakanye nebhoduluko, bayithabele bebayithathele ehloko. (2)
- 1.1.4 Magama athi, 'Ukuhlanganisa abantu nebhoduluko'. (1)
- 1.1.5 Ihlelveli kuthiwa liqalelela ngokulinganako yoke imiraro engavumbuka ekusetjenzisweni kwebhoduluko namanzi njengemithombo yengenisomali. (2)
- 1.1.6 Awa, umraro wokusilaphazeka kwebhoduluko kumraro oqalene nephasi mazombe ngombana esigabeni sesi-3 setheksthi engehla le kuyavela bona ngeLanga lePhasi lezeBhoduluko ihlangano yeenTjhaba eziBumbeneko yenza omunye nomunye umuntu alemuko bona kunendima ekufuze ayidlale ekuthogomeleni ibhoduluko kodwana ingasi inarha yeSewula Afrika kwaphela/Etheksthini le kukhulunywa ngeLanga lePhasi leBhoduluko nangeHlangano yeenTjhaba eziBumbeneko, akukhulunywa ngenarha yeSewula Afrika kwaphela nokutjho khona bona ukusilaphazeka kwephasi kumraro wephasi mazombe. (Umfundi angayibeka ngeyakhe indlela ezwakalako.) (2)
- 1.1.7 Nange omunye nomunye umuntu angazibandakanya emahlelweni wokulwisana nokusilaphazeka kwebhoduluko ahlala kilo umphakathi ungazuza ngokobana uhlale uphilile ngaso soke isikhathi ngombana indawo esilaphazekileko ibangelana amalwele/Umphakathi ungazuza ngokuzenzela imali ngombana izinto ezinengi amalanga la ziyakghona ukubuyekezeke godu, njeke ungazibuthelela ndawonye bese uyoizithengisela amabubulo akghona ukuzincibilikisa azisebenzisele ukwenza imikhiqhizo ethileko. (Umfundi angayibeka ngeyakhe indlela ezwakalako.) (2)
- 1.1.8 Abantu abahlala ebhodulukweni elisilaphazekileko bangazifumana bangenwa malwele ahlukahlukeneko angababangela ukobana balahlekelwe maphilwabo. (Umfundi angayibeka ngeyakhe indlela ezwakalako kodwana kuvele ubungozi). (2)

- | | |
|--------|---|
| 1.1.9 | <ul style="list-style-type: none"> - URhulumede wenza ngokwaneleko ngombana kuthiwa esifundeni saKwaZulu-Natal wakhe indawo yokulahlela iinzibi ezibuyekezekako ebizwa nge-<i>Hammersdale Waste Beneficiation Centre</i> ngomnqopho wokuvula amathuba wemisebenzi okutjho khona bona nakezinye iimfunda usazokunabela. - URhulumende akenzi ngokwaneleko ngombana babonakala babuthelela iinzibezi bebazidose ngeenkoloyana ezingazisiko nezitjhigeme amavilo nekubonakala kubudisi kibo ukwenza umsebenzi lo/Akenzi ngokwaneleko ngombana akafaki imali emaphrojekthini wabantu ababonakala bahlwengisa ibhoduluko ngokubuthelela iinzibezi bebayozithengisela amabubulo abuyekeza bekazincibilikise/Akenzi ngokwaneleko ngombana uhlome indawo yokulahlela iinzibi ezibuyekezekako esifundeni saKwaZulu-Natal kwaphela, akakalinabiseli nakezinye iimfunda zenarha le. <p>(Umfundi angayibeka ngeyakhe indlela ewwakalako.) (2)</p> |
| 1.1.10 | <p>Ngiyaphikisana nesitatimendesi, lokha abantu nabadobha izintwezi basuke bangazenzeli imali kwaphela ngombana ngakelinye ihlangothi basuke bahlwengisa ibhoduluko elingabangela abantu amalwele.</p> <p>(Umfundi angayibeka ngeyakhe indlela ewwakalako.) (2)</p> |
| 1.1.11 | <p>Eningakwenza nange nginguNgqongqotjhe wezeBhoduluko ukulwisana nokutlhogeka kwemisebenzi enarheni le kukobana ngisungule amaphrojekthi afana nale ekhulunywisa esigabeni sobu-8 setheksthi engehla kiyo yoke imiphakathi yenarha le bengikhuthaze boke abantu abangasebenziko bona bazibandakanye nawo ngokobana abanye bakhambe babuthelela iinzibi, abanye bafundiswe ukuzitjhugulula bona zisebenziseke godu benze imikhiqizo engabangenisela imali.</p> <p>(Umfundi angayibeka ngeyakhe indlela ewwakalako.) (2)</p> |
| 1.2 | <div style="display: flex; justify-content: space-between;"> <div style="width: 60%;"> <p>1.2.1</p> <ul style="list-style-type: none"> - Amabhodlelo weplastiki. - Amabhlege. <p>1.2.2</p> <ul style="list-style-type: none"> - Abantu abahlala eduze nendawo ekulahlelwe kiyo iinzibezi bangangenwa malwele ngokurhogela umoya osilaphazekileko. - Abentwana bangadlalela eenzibinezi bese basikwa mabhodlelo nezinye izinto eziyingozi. - linkoloyi ezidlula endaweni le zingahlatjwa zizinto ezihlabako ezifana namabhodlelo, iimpikiri neendrada. - linlesesi zingazifihla ngeenzibezi bese zibamba abantu abadlula ngendlela ikunzi. <p>(Nezinye iimpendulo EZIMBILI ezingavezwa mfundi ezizwakalako zizakwamukelwa.) (2)</p> </div> <div style="width: 35%; text-align: right;"> <p>(1)</p> <p>(1)</p> </div> </div> |

- 1.2.3 Ngicabanga bona umnqopho kungaba kukobana bafuna ukwenza isitjalwesi bona sikhiqize iinthelo nanyana kungasiso isikhathi saso/Ngicabanga bona umnqopho kungaba kukobana bafuna ukwenza isitjalwesi bona singabanjwa malwele weentjalo/Ngicabanga bona umnqopho kungaba kukobana bafuna ukuhlola isitjalwesi bona sizokukghona ukujamelana namakhemikhali afumaneka ehlabathini yalapha bafuna ukuyositjala khona na/Ngicabanga bona kunerhubhululo elithileko elenziwako ngalomhlobo wesitjalo.
(Nezinye iimpendulo ezingavezwa mfundi ezizwakalako zizakwamukelwa.) (2)
- 1.2.4 - Ubuhle bobujamo obubonakala esithombeni sesi-2 ngehla kukobana abantu bazokuthola imisebenzi emayini/ebubulweneli/Umnotho wenarha uzokukhutjhlwa mkhiqizo ozokutholakala emayini/ebubulweneli. (1)
- Ubumbi bobujamo obubonakala esithombeni sesi-2 ngehla kukobana abantu bazokuguliswa kurhogela intuthu ebonakala iphuma emibhobheni yemayini/yebubulweneli.
(Umfundi akaveze kokubili ubuhle nobumbi.) (1)
- 1.2.5 Ngingamyelelisa ukobana enze iimbhegana ezizokujamiselela iimplastiki ezisilaphaza ibhoduluko bese izinto enzincani ezitlhoga ukuphuthelwa ngeemplastiki zifakwe ngaphakathi kwezinto zokuphatha ezingasebenziseka godu/Ngingamyelelisa ukobana kuphehlwe igezi engasebenzisi iimbaseli eziyingozi ezifana namanzi nesiphila ezingasilaphazi ibhoduluko/Ngingamyelelisa bona avule iindawo ezinengi ezibuthelela izinto ezilahliweko nezibuyekzekako ukwenzela bona abantu bangasalahleli nanyana kukuphi kodwana bazise kizo.
(Umfundi angayibeka ngeyakhe indlela ezwakalako.) (2)

IMITLOMELO YESIGABA A: 30

ISIGABA B: UKURHUNYEZA

UMBUZO 2

Isigaba sesirhunyezo

Abantu abatjheje iimila zendawo leyo bangazigawuli. Abantu abakhuthalele ukutjala ukuze ihlabathi ingarhurhuleki lula. Ukusetjenziswa kweenonisi zehlabathi ziyiqinisa bona ingarhurhuleki lula. Ifuyo ayingabi yinengi endaweni eyodwa. Kungatjalwa imithi eminengi. Kungakhiwa imithangala magegana neendawo ezitjaliweko. Kungafundiswa abantu ngomthelela omuhle wokuvikela ukurhurhuleka kwehlabathi.

Inani lamagama asetjenzisweko = 40

	IMIDZUBHULO ESETHEKSTHINI		AMAPHUZU AQAKATHEKILEKO
A	'Abantu bafanele bagcine iimila zemvelo ezitholakala endaweni leyo ngendlela abangakghona ngayo.'	1.	Abantu abatjheje iimila zendawo leyo bangazigawuli.
B	'Abantu bafanele bahlale batjala ngaso soke isikhathi ukwenzela bona indawo ingahlali inganatlalo.'	2.	Abantu abakhuthalele ukutjala ukuze ihlabathi ingarhurhuleki lula.
C	'Ukusetjenziswa kweenonisi zehlabathi ezifana nemisuwu, umanyoro nezinye zisiza ihlabathi bona ingalahlekelwa libumbeko layo nekungayenza bona irhurhuleke lula.'	3.	Ukusetjenziswa kweenonisi zehlabathi ziyiqinisa bona ingarhurhuleki lula.
D	'Isibalo sefuyo kufanele bona silawuleke kuhle ukwenzela bona ingabi yinengi khulu endaweni eyodwa ngombana lokho kungabanga ukuphela kwamadlelo bese ihlabathi iba sengozini yokungarhurhuleka.'	4.	Ifuyo ayingabi yinengi endaweni eyodwa.
E	'Ukutjala imithi ibe mjeje kunomthelela omuhle wokuvikela iintjalo begodu kuphungula nokurhurhuleka kwehlabathi.'	5.	Kungatjalwa imithi eminengi.
F	'Ukwakhiwa kwemithangala izungeze iplasi nofana indawo etjalweko okwakwenziwa esikhathini sakade nakho kuyindlela ehle yokuvikela ukurhurhuleka kwehlabathi.'	6.	Kungakhiwa imithangala magegana neendawo ezitjaliweko.
G	'Ukufundisa abantu ngokurhurhuleka kwehlabathi nokubakhuthaza bona bayisebenzise ngendlela efaneleko kunomthelela omuhle ekuvikeleni ukurhurhuleka kwehlabathi.'	7.	Kungafundiswa abantu ngomthelela omuhle wokuvikela ukurhurhuleka kwehlabathi.

Inani lamagama asetjenzisweko= 40

Ukutshaywa kwesirhunyezo kudzimelele ekuvezweni kwamaphuzu aqakathekileko ngokufunwa mbuzo.

Isirhunyezo kumele sitshwaywe ngalendlela:

- **Ukwabiwa kwemitlomelo:**

- 7 imitlomelo emaphuzwini ali-7 (Umtlomelo owodwa kilelo nalelo phuzu eliqakathekileko)
- 3 imitlomelo yelimi.
- Inani loke: 10

- **Ukwabiwa kwemitlomelo yelimi lokha ohlolwako nakangakakopululi itheksthi njengombana injalo (asebenzise amagamakhe).**

- 1–3 yamaphuzu alungileko: nikela umtlomelo owo-1.
- 4–5 yamaphuzu alungileko: nikela imitlomelo emi-2.
- 6–7 yamaphuzu alungileko: nikela imitlomelo emi-3.

- **Ukwabiwa kwemitlomelo yelimi lokha ohlolwako nakakopulule itheksthi njengombana injalo (angakasebenzisi amagamakhe).**

- 6–7 yemidzubhulo: akatlonyeliswa ilimi
- 1–5 yemidzubhulo: nikela umtlomelo owo-1 welimi.

TJHEJA:

- **Ukubala amagama:**

- Abatshwayi kumele baqinisekise inani lamagama asetjenzisweko.
- Ungaphunguli imitlomelo nangabe ohlolwako akhange atjengise inani lamagama alisebenzisileko namkha nangabe inani atlole bona ulisebenzisile akusingilo. Nangabe ubude obulindelweko budlulile, funda bewufike emutjhweni wokugcina wenani elibekweko bese awusarageli phambili nokutshwaya isirhunyezweko.

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI

UMBUZO 3: ISIKHANGISO

Ukutshwaya ISIGABA C

- **Ukupeleda:**

- Iimpindulo ezifuna igama linye kumele zitlonyeliswe nanyana kungakapeledwa kuhle, ngaphandle kobana iphoso itjhugulula ihlathululo yegamelo/okutjhiwo ligama lelo.
- Eempendulweni ezimumutjho opheleleko, ukungapeledi kuhle akujeziswe nangabe iimphephos zisesakhiweni selimi elihlolwako.
- Nangabe kuhlolwa isirhunyezo, ipendulo kumele ibe netshwayo elifaneleko, ungci.

- Ukwakheka kwemitjho kumele kukhambelane nehlelo begodu kunikelwe ngemitjho ezeleko/njengokutjho komyalo.

- Emibuzweni la kukhethwa ipendulo enembako, yamukela KOKUBILI, iledere elikhambisana nependulo ekungiyiyo NANYANA ipendulo nayitlolwe ngokuzeleko.

3.1 Akunagaranti onikelwa yona nawuthenga umtjhini lo. (1)

3.2 R10 499,00. (1)

3.3 Isizathu sokutlolwa kwamagama la butjigama kukobana kumagama weLimi lesiNgisi atolwe hlangana namagama weLimi lesiNdebele. (1)

3.4 C/elirogelako. (1)

3.5 Mbono, nanyana ungawusebenzisa umtjhini lo kodwana angeze wahlala uphilile bewumutjha ipilwakho yoke/Mbono, ukuluphala/ukukhula nokuhlala uphilile komuntu kulawulwa minyakakhe nobujamo bepilwakhe. (2)

3.6 Umnqopho wabatlami besikhangiswesi wokutlola imibandela ngamagama amancani kukwenzela bona abathengi bangayiboni masinyana nofana bangayitjheji ngombana ingababalekisa.
(Umfundi angayibeka ngeyakhe indlela ezwakalako.) (2)

3.7 Abatlami besikhangiswesi baphumelele ukusebenzisa amaqhinga wokukhangisa ngombana:
 - Basebenzise amagabhadlhela/amaledere amakhulu emagameni arogelako/adosako wesikhangiswesi.
 - Basebenzise ilimi elirogelako/elidosako/elikhohlisako.
 - Imibandela itlolwe ngamagama amancani.
 - Umkhiqizo okhangiswako uveziwe.
 - Ubujamo bangemva kokusetjenziswa komtjhini lo buveziwe.
 (ZIMBILI iimpindulo kezingehla.) (2)

(2)
[10]

UMBUZO 4: IKHATHUNI

- 4.1 Ibizo elithi; 'Mhleka' libizo-senzo/Libizombala. (1)
- 4.2 Ufuna ukwenza izinto ngendlelakhe. (1)
- 4.3 Qala nje, uphumelele. (1)
- 4.4 Sisabizwana sobunikazi/songumnini. (1)
- 4.5 Ufuna ukwenza izinto ngendlela yakhe begodu uyalibala bona ngimi obusako ekhayapha/Ufuna ukwenza izinto ngendlela yakhe ngombana alibele bona kubusa mina ekhayapha. (2)
- 4.6 - Umma ukhomba umsana lo ngomuno.
- Umma lo ukhuluma abambe idini.
- Umma ukhuluma nomsana lo ngokumbangela itjhada.
(ZIMBILI iimpendulo kezingehla). (2)
- 4.7 - Amagama la asisitjho.
- Isitjhewesi sihlathulula bona wamtjela umsana lo bona afunde/azilungiselele iinhlahlubo zakhe kusese nesikhathi. (2)
- [10]**

UMBUZO 5

- 5.1 UMBiji abathe ukhulukhuluma naye, kuthi nya. (1)
- 5.2 UNaSibiya aye evenini ayokulayitjha/ayokukhweza ipahla. (1)
- 5.3 Itjhugulukomdumo elenzeke kilelitjhada libizwa bona kulwangisa/kurhwalabhisa. (1)
- 5.4 Ukhamba ngevenyana yemsebenzini uzokulayitjhisa umntamamakhe kanina ipahla. (1)
- 5.5.1 Usendleleni yesenzo esabizo. (1)
- 5.5.2 Usendleleni yesenzo esamileko/eyamileko. (1)
- 5.6 - Isakhi u-No wokuthoma umumethe umqondo wokobana kukhulunywa ngomuntu wengubo obizwa ngegama lezibulo lakhe. (1)
- Isakhi u-No wesibili uhlathulula bona libizo lomuntu wengubo othiyelelwe ngesenzo sokusonda/Libizombala lomuntu wengubo. (1)
- 5.7 'Baba-ke ...! Mihlo ... lo'.
(Tjheja: Umtlomelo owodwa ngewokusebenzisa udwi (-) bese owodwa kuba ngewokutlola itshwayo lokubabaza (!). (2)
- [10]**

IMITLOMELO YESIGABA C: 30
INANI LOKE: 70